

*skribis al mi pri tio.* Kp JESE. RIM. : Komencante proponcion, tiu adverbo samsignifas kiel « jen la pruvo, la konfirmo, la pravigo » k servas ankaŭ por montri, ke tio, kio sekvas, pruvas, konfirmas aŭ pravigas tion, kio antaŭe estas ĵus asertita : *mi supozas, ke li foriris el Francujo, k ~e mi ricevas de li leteron el Parizo* (Kp FAKTE, NOME, PRUVE). **Mal~** (tr). Malkaŝe certigi la malverecon de io (Kp REFUTI, KONTESTI).

**konfirmacio** Z = konfirmo 4.

**Konfiski** Z (tr). 1 Atribui per dekreto al la Ŝtata Trezorejo la proprajn de iu por lin puni : *~i la bienojn de elmigrantoj ; ~i kontrabandojn.* 2 Forpreni de iu laŭ rajtigita aŭtoritato ion malpermesitan : *~i libron al lernanto B, tranĉilon al infano ; ~i nefreŝan viandon en la bazaro B.*

\* **Konfiti** (tr). Prepari fruktojn, restadigante ilin en densa siropo, kiu ilin penetras k konservas.

**Konflikto** Z. Malkonsento, kaŭzita de kontraŭeco de deziroj aŭ opinioj : *~o de intereso, pasioj ; ~o kun la propra konscienco B ; ~o inter du regno B ; ~o pri juĝorajto inter du tribunaloj ; armita ~o ; veni en ~on kun gramatiko Z* (Kp MALAKORDO, BATALO, KOIZIO, ANTAGONISMO). **~i** (ntr). Esti en ~o.

\* **Konforma.** 1 Karakterizas ion, kies formo estas ekzakte simila al tiu de alia objekto konsiderata kiel modelo ; samforma : *kopio ~a al la originalo ; la fizika organizo de la homo estas ~a al tiuj de aliaj mamuloj ; (f) miaj deziroj estos ĉiam ~aj al la viaj ; estas inter ili mirinda ~eco pri la gustoj k la opinioj.* 2 Karakterizas ion, kio ekzakte rilatas kun tio, kion iu ordonis aŭ io trudis ; laŭa : *mia konduto estis ~a al viaj ordonoj ; niaj agoj estu ~aj al niaj diroj, principoj ; oni decidis tion ~e kun, je la leĝo ; ~e al tiu deklaro Z, al la ĝisnuna moro Z.* 3 Speciale taŭga ; ĝuste alcela : *tiuj vesloj estas ~aj al vi k bone aspektas Z ; ĉu tiaj konsiloj estas ~aj al la naturaj bezonoj k la natura irado de nia lingvo ? Z tiuj profesioj montriĝis ne~aj por vi Z ; stilo ~a al la temo ; cel~a (tute taŭga por sia celo) ; ~eco de la kulturoj kun la grundo* (Kp KONCERNA, KONVENA). **~igl.** 1 Doni al io difinitan formon, similan al tipo (Kp ALĜUSTIGI, ADAPTI, AKOMODI).

2 Fari ion ~a al ies ordonoj aŭ al necesoj : *ni devas ~igi nin al la ekzistantaj lingvaj kutimoj Z ; niaj artikoloj devas esti ~igitaj al la bezonoj k gustoj de la gazetoj Z ; harmonie inter~igitaj objektoj Z ; al~igi sin al la volo k opinio de la aliaj Z ; ilia agado ne ~igis al la statuto ; tia filozofio tute ne al~igis al la real vivo* (Kp AKORDI, RESPONDI, SEKVI, OBEI, OBSERVI). 3 Fari ion speciale taŭga : *~igi sian parolon al la publiko, al sia celo ; ~igi dieton al temperamento de malsanulo.*

\* **Konfuzi** (tr). 1 Kunigi k miksi, tiel ke oni ne plu distingu diferencojn ; malordigi, kompliki : *la Mozo k la Rejno ~as siajn akvojn ; eble la varmego ~as viajn pensojn B ; ~i la vidon de iu ; tiaj vortoj, kvankam ~itaj, tamen ne frenezon montras Z ; li estis ~ita en la homamaso inter la plebanoj ; la subaĉeto blindigas la okulojn de saĝuloj k ~as la aferojn de justuloj Z ; ~i (malklarigi) la demandon ; ĉio ~igis en lia spirito ; ĉiurangaj homoj ~igas en la abismo de la morto ; inter~itaj haroj Z, voĵetoj Z.* 2 Intermiksi unu kun alia du personojn aŭ du objektojn, kiuj havas ian similon ; maldistingi : *tiuj samformaj vortoj havas tre malsamajn signifojn, tial ni ne bezonas timi, ke oni iam ilin reciproke ~os Z ; ili similas tiel, ke oni ~as ilin ; en la mallumo ĉiujn objektojn oni ~as facile* (Kp KUNFANDI). 3 Hontigi aŭ senaplobigi iun, perdigi al iu memcertecon per malkovro de lia kulpo : *~i krimulon per siaj demandoj B ; prenite ĉe l' freŝa furo li ~igis.* 4 Maltrankviligi, konsterneti iun per neatendita trafo ; senaplobigi, sendecidigi, perpleksigi : *~i la kapojn Z (opiniojn) ; tiuj unutilagaj projektoj de internacia lingvo ~as la publikon Z ; tio ĉi ne devas nin ~i, ĉar ni batalas ne pro la formo, sed pro la ideo Z ; pensinte pri la malfacila afero k skuinite ~ite la kapon Z ; mi preĝis al vi en mia ~igo Z ; ŝiaj viglaj okuloj montris ~ilecon Z* (Kp EMBARASI, KONSTERNI). **~o.** Stato de iu aŭ io ~ita : 1 Tio faras ~on en la magazeno Z ; en la ~o de tiu biblioteko oni nenion povas trovi ; la Eternulo sendos sur vin malbonon, ~on k malsukceson en ĉiuj entreprenoj de via mano Z (Kp RAOSO, SALATO). 2 La babilona ~o de la lingvoj estas granda malhelpo Z ; tiu neologismo elvokas ~ojn kun aliaj vortoj Z. 3 Via ~o estas